



修築寶山海塘全案卷七

江蘇布政使司陳鑾詳爲詳明事竊照寶山縣風潮衝損土石塘工業奉

奏明勸諭紳庶士民捐資集辦所需塊石查有署太湖同知向倅署蘇督糧同知西丞吳縣知縣湯令堪以委令辦運除札飭遵照并札太倉州寶山縣查明前項塘工需用石料分移各委員應辦確數并於捐項內動支石價解交委員收領辦運將分辨石數及給價細數開摺通報查考外相應具文詳明伏候

鑒覈

道光十五年七月二十六日具詳

江蘇布政使司陳鑾詳爲詳明飭委事竊照本年六月內風潮衝損寶山縣境土石塘工需用石塊前經由司詳明飭委署太湖同知向倅署蘇督糧同知西丞吳縣知縣湯令辦運在案查該處海塘現擇於九月二十一日開工立等石料赴工應用亟應委員督催以期迅速查有署海防同知試用理問劉廷翰試用未入流雷育謙太湖同知司獄現署吳江縣汾湖司巡檢馮步瀛堪以飭委分催除分札該三員遵照外相應具文詳明伏候

鑒覈

修築寶山湖堤全案 卷一
道光十五年九月初十日具詳

江蘇布政使司陳爲札飭事據吳縣詳稱奉飭辦運寶山華亭兩處塘工應用碎石遵照卽會同督糧太湖廳傅宏認辦去後今據宕戶周培蒼等稟稱山宕窵遠碎石隨地散放挑夫人等限於人數是以歷屆承辦均照例價給辦計每方需石一百二十擔每擔錢十四文所需船隻工所係屬海隅內地之船不能行駛歷均由該處雇辦審船來山裝運今次船隻請移寶山縣雇船來山應給水腳聽候給發不敢涉手應辦石數亦求豫行飭知等情具稟前來卑職當查所開工價殊屬浮多遵飭極力撙節嚴諭各宕戶每方

給挑夫工價并自山運至工次交卸一切在內共給制錢二千文取具認結在案除移寶山縣查照向例飭著船頭沈玉其雇撥窰船來山毋得刁難以便陸續運赴外詳祈將應辦石數先行飭知取領詳給銀兩趕挑等情到司據此查此項塘工需用碎石前於撫院未經起程之前據該廳縣等面稟每擔需價十四文當奉嚴飭刪減嗣經本司督同該廳縣等酌定價值每方連水陸運腳一切給價二千文運送到工該縣業已遵飭願辦並經本司通稟在案茲查該縣來詳石價每擔仍係十四文又需由寶山雇船來蘇

運撥則是每方除石價一千六百八十文之外所餘僅止三百二十文以作裝運船隻水腳一切試問由蘇至寶往返是否敷用明係該縣聽信宕戶之言含混取巧實屬庇徇總之此項碎石前議每方給價二千文一切在內已屬公允此外斷不能再有開銷其裝運赴工應否需雇寶山窰船亦由該縣自行酌辦不能再由寶山給價致爲將來多銷地步所有應辦石數亦卽由該縣移查寶山覆到趕緊辦理據詳前情合亟申飭札到該府立飭遵照指飭各事理趕緊按數辦運不得稍有貽誤致干重咎仍先將遵飭辦

修葺寶山海塘全案 卷七
理緣由稟覆察覈

道光十五年八月二十五日札蘇州府

吳縣知縣湯譽光爲請領價腳銀兩事道光十五年
九月十五日奉

布政司陳札開據太倉州督同委員龔令并寶山縣
毛令稟稱寶山石塘衝坍各處前經卑職等勘估應
行補砌其北頭衝坍處原估改爲斜砌形如雁翅茲
復督同紳董詳細勘估公議以現在外面旣添有挑
水壩則石塘可以照舊補修毋須改砌雁翅形勢遂
帶同蘇州石匠確加估計並各處拆砌補修共應添
用麻條石每塊照部尺寬一尺二寸厚一尺二寸長
自四尺至七尺不等共積單長八十五丈較原估條

石節省一百餘丈其石底馬牙梅花樁亦改從節刪除同土塘一併造冊詳報外現已定於二十一日同時興工相應豫懇迅飭承辦石料委員趕緊先將此項條石按照寬長尺寸購運務於二十日全數到工以便興修等情到司據此除專委長洲縣主簿曹錫璜赴山採辦外合就飛飭札縣立即遵照會同西丞并委員趕緊先將此項條石按照寬厚長尺寸購運務於本月二十日全數到工以便興修仍先將起運日期具報毋稍遲延致誤要工定干詳參等因下縣奉此遵卽會同飭辦去後嗣接委員曹主簿來函據

稱已傳諭各岩戶將此項條石照浙塘裏石之式六面做平每塊寬一尺二寸厚一尺長自三尺起至六七尺不等所有石價鑿工運腳悉照浙省裏石例價囑由卑縣請領給發等情前來查奉辦浙省塘工裏石每丈石價庫平紋銀七錢二分鑿工三錢七釐二毫水腳每丈每里銀二釐四毫四絲八忽今辦前項寶山塘工條石八十五丈覈計應領石價銀六十一兩二錢鑿工二十六兩一錢一分二釐水腳應按里給發查自蘇至寶山工次計程三百六十里應給銀七十四兩九錢八釐八毫照浙塘裏石例價覈算三

共應領庫平紋銀一百六十二兩二錢二分八毫理
合備領具文詳請伏祈
俯賜覈明動放以便轉給

道光十五年九月二十三日詳

吳縣知縣湯譽光爲申報事道光十五年九月二十
日奉

布政司陳札開照得寶山縣風潮衝損土石塘工所
需塊石前經飭委太湖同知向倅署蘇督糧同知西
丞吳縣湯令等辦運嗣因工需緊要又經飭委劉廷
翰雷育謙馮步瀛等分投督催並據蘇州府取具金
焦二山岩戶遵辦切結請各先發一百方價腳共錢
四百千前來業經放給洋錢四百元飭發蘇州府按
照時價折錢親督委員當面給發金焦二山各岩戶
分領各在案現查寶山縣塘工需用碎石一萬一千

三百餘方華亭縣塘工需用塊石二千餘方共約計一萬三千三百餘方覈派吳縣金焦二山岩戶各承辦四千方限每月各運石到工一千方太湖廳各山岩戶承辦六千方限每月運石到工一千五百方四個月內全數運竣以應工需合就札飭札縣立即遵照來札催令各岩戶趕緊如數辦齊依限運赴寶山華亭兩處工次應用毋得逾限致干參辦不貸先將起運的期飛速稟報察覈等因下縣奉此查華亭縣修築海塘需用塊石前準移辦卽經卑縣飭傳岩戶認辦去後嗣據金焦兩山岩戶周培蒼費辛宜等各

具認辦切結前來當將華邑移到洋錢二百元交給收領取領附卷押辦在案茲奉前因除再嚴飭將應辦華亭寶山兩處石料一併趕緊辦運外合將華邑移到洋錢給領押辦緣由具文報明伏候

鑒覈

道光十五年九月二十四日申

江蘇布政使司陳爲札知事據吳縣詳稱奉委採辦寶山塘工麻條石料八十五文照浙省裏石例價每丈石價銀七錢二分鑿工三錢七釐二毫水腳每丈每里二釐四毫四絲八忽自蘇至寶計程三百六十里共應領石價鑿工水腳等銀一百六十二兩二錢二分八毫備領詳祈覈明動放轉給等情到司據此查覈應領銀數與浙塘條石例價相符應卽按數放給惟前項條石價腳銀兩未據該縣批解到司自應於前次寶山縣解到雇募碓夫洋錢內動給洋錢二百十四元飭發署理問吳廷榕按照時價合算應給

修築寶山海塘全案 卷十
銀數轉給吳縣趕辦合就札飭札到該員即將發來
洋錢二百十四元按照市價合算應給銀數轉交吳
縣傳集各宕戶按數給發分領取具領狀呈送備案
並將轉發數目具覆

道光十五年九月二十四日札

吳縣知縣湯譽光爲申報事案奉

藩司飭辦寶山縣塘工需用條石八十五丈遵卽會
同委員長洲縣主簿曹錫璜督飭宕戶將石按照浙
江塘工裏石之式每塊厚一尺寬一尺二寸長自三
尺起至六七尺不等趕緊僱辦茲已辦齊分裝船隻
全數起運備文移交寶邑驗收外合行具文申報伏

祈

鑒覈

道光十五年十月十九日申

署蘇州府督糧同知西拉蒙阿試用理問吳廷榕爲
遵飭會報事奉

札委辦運寶山縣塘工碎石卽據吳縣諭令宕戶定
價取結申覆在案茲據吳縣原差陸文張耀將金焦
兩山各宕戶傳齊由卑職西拉蒙阿會同卑職吳廷
榕遵將給發寶山縣申解印花原封洋錢四百元內
當堂給發金焦兩山宕戶周培蒼費辛宜等具領洋
錢三百八十一元照時合價計通足制錢四百千文
餘洋十九元現存卑職督糧廳署以備下次領價給
發卽據金焦兩山宕戶周培蒼費辛宜錢天瑞殷載

安范聲揚盛正光袁友山張進明陳瑞方殷稼堂夏
金元朱德瑞陸紹基費敘高范愛堂於義章顧炳文
盛孝先許三益張孝先袁心安吳玉章范作霖袁載
榮費天德於聖岐盛松茂顧友松陸炳賢等具呈領
狀內稱實領得寶山縣塘工灘水碎石每方共該腳
價錢二千文正岩等金焦兩山各先承辦一百方今
當堂共領二百方價錢照時合價每洋作制錢一千
零五十文共領洋錢三百八十一元合計通足制錢
四百千文正定限於本月二十五日起運其餘石價
隨領隨運所具領狀是實等情前來除將領狀附卷

並儻催依限辦運另報外合將會同當堂給價趕辦
緣由先行申報仰祈

鑒覈

道光十五年十月二十一日申

署蘇州府太湖同知向培蒞謹稟竊卑廳承辦華寶
兩工碎石六千方爲數甚鉅前任採辦浙江因湖石
可以燒灰所餘碎塊均經該宕戶隨時售賣附近水
次者搜羅殆盡山頂山腰略有存餘約計僅數十方
一運卽完必須開採業經另文詳請在案伏查前奉
札飭每方挑運水腳等項發價二千文原指採拾現
存石塊而言今開山打鑿必須挑挖浮土雇募石匠
請開之三澤兩山乾隆嘉慶及上年疊次開採山麓
近水者早經鑿用半皆洞老泥深最近亦在半腰挑
運亦不易易該宕戶等呈請加給工價每方一千餘

文太屬浮冒卑職私自訪察每匠一名日可鑿石一千餘斤每方一萬二千斤須匠八工所費亦大擬每一日勒令交石二千斤則六工可以成方民雇價值每工日需一百餘文斷難依照惟當酌給口食不使枵腹從公每方應給若干仰乞
酌議飭知俾令及早興工定價後更乞
賜發告示曉諭使工匠知所遵守且免吏胥宕戶從中剋扣之弊實爲公便

道光十五年十月二十七日具稟

江蘇布政使司陳鑾申爲呈報事竊照寶山縣風損塘工需用碎石一萬餘方該處開工業已月餘前項碎石到工者甚屬寥寥若不趕緊運工難免停工待料亟應添員催辦查有新陽縣縣丞方心簡堪以飭委除飭遵外相應具文呈報伏候

鑒覈

道光十五年十一月初一日申

署總督部堂林札蘇州布政司據署蘇督糧同知西
拉蒙阿稟稱奉委辦運寶山海塘需用碎石遵卽親
赴金焦山督押趕運現已裝齊三船於本月十一日
將受裝之船戶楊丹山等三船共裝碎石十八方八
分督押開行經送工所交收第查石多船少必須輾
轆轉運且恐船戶沿途耽延請飭經過地方官加緊
督護僭押出境并飭工所迅速點收及早押船歸山
以便接續裝運不致藉延俾公有濟等情到本署部
堂據此查寶山海塘需用碎石本署部堂在巡撫任
內飭屬採辦前據該司報委署蘇糧同知西丞署太

湖同知向倅經理辦運昨本署部堂親赴寶山查工時太湖石船適經運到查驗該處所辦係屬黑石質性酥脆遠不如吳縣金焦山石之合用現在金焦石船既經裝載開行似應先儘該處山宕購辦以期石料堅實塘工藉資鞏固合亟札飭札到該司立即轉飭遵照一面速飭經過地方官將楊丹山等石船加緊嚴催僱押出境并飭工所委員一俟船戶楊丹山等三船到工作速點收俾得及早轉棹輓轆接運以濟工需切速

道光十五年十一月十四日

護撫部院陳爲據領札知事照得本護院於藩司任內書捐寶山海塘工料銀三千兩現由督辦塘工坦水碎石委員蘇督糧西丞請領就近發交宕戶船工趕緊辦運等情除經發交制錢三千千文以合捐數外今據該丞出具印領前來除領存案外合就行知札司該吏即便轉飭知照並飭該丞督同各宕戶將應辦石料趕緊採辦分運工次應用務期源源接濟所該價值卽於前項錢文內動給具報仍將運石數目船戶姓名起運日期通報並飭該州縣及總辦委員一體知照可也
八月十八日

德意藉石力圖報効今以石性不佳見遺未克始終
奮勉殊滋愧赧已運之石計華亭寶山共一百二十
二方七分爲數甚少所有工力運費卽由卑職自行
捐出聊助平地一簣之勞除將原發洋銀八百元照
數移還周守歸款外合將捐運緣由具稟仰祈
察覈

道光十五年十二月十七日具稟

署江蘇布政使司裕謙爲呈報事案據署蘇督糧同
知西丞請領委辦寶山華亭塘工碎石價腳洋錢二
千元到司當查寶山塘工需用碎石一萬一千三百
餘方先經前司議定每方給錢二千文飭派吳縣金
焦二山各辦四千方餘石飭派太湖廳承辦嗣奉
署督院因太湖所辦係屬黑石質性酥脆札飭先儘
金焦辦運此項價腳本年九月內據前署蘇州府周
牧開摺面呈前司請領二百方價腳共錢四百千當
給洋錢四百元在案續奉
札知前於藩司任內書捐工費銀三千兩據西丞請

領已發制錢三千千文飭令發給碎石價腳之用等因計所領價腳連飭發之錢覈算約已給過一千七百方而十二月十四日據寶山縣稟報該丞運到碎石僅四十七方六分現已續運若干亦未據通報據領洋錢未便放發卽經飭查覆司覈數給領去後今據西丞稟覆計自開運及今已經運出碎石一千一百三十方請俟月終將續後運過船數方數通報一次雇船必得先發定錢方肯受載現有堆貯山下水次碎石一千餘方凡此已發挑費及差役隨船押運飯食並一切雇船所需在在均需現錢給領刻難緩

待奉發洋錢四百元及

護撫院發到大錢三千千文現已將次用竣當此雇船趕運喫緊之際諸需設法妥速辦理是以請發洋錢二千元以便易錢存貯隨時給領趕運將來按方銷算等情到司據此自應於繳存司庫寶山塘工捐項洋錢內支發洋二千元以資雇船裝運除於十二月二十八日放給飭將續運石數通稟察覈並飭源源起運外相應加戳呈報伏候

鑒覈施行

道光十五年十二月二十九日申

道光十五年十二月二十七日申

總辦處詳

當此工程浩大...

...

...

...

...

...

...

...

署江蘇布政使司裕為轉飭事奉

署總督部堂林批署太湖同知向倅稟已運華亭寶

山兩縣工石請自行捐辦並將原發洋銀移還情由

奉批該廳原派採運海塘工石前經本署部堂親臨

工次查驗石質黑酥飭令免辦祇令派船協運在案

今據稟已運寶山華亭二縣共石一百二十餘方所

用工力運費該廳既請自行捐出亦見急公應卽覈

數收歸捐項仰蘇州布政司轉飭知照並飭蘇州府

將移還洋銀查收歸款具報一面仍遵前批查明廳

境六十餘號石船現已陸續押赴吳縣金焦二山裝

運若干隻如有潛匿未到之船亦即嚴催該廳作速查明押送不得稍任諉延並候

護撫院批示繳等因到司奉此查此案前奉

撫院批司即經轉飭遵照在案奉批前因合就轉飭札到該府即便遵照前札查明前項洋銀八百元是否華亭採辦碎石價徑覆

撫院並報本司查考並移松太二府州轉飭將前項價腳覈數收歸捐項彙案造報一面轉移太湖廳查明廳境六十餘號石船現已陸續押赴吳縣金焦二山裝運若干隻如有潛匿未到之船亦即嚴查押送

不得稍任諉延

道光十五年十二月二十九日札蘇州府

署蘇州府督糧同知西拉蒙阿爲造冊申報事奉委
辦運寶山華亭兩邑塘工坦水碎石一案卑職遵於
金焦二山分督委員嚴押各宕戶購辦碎石雇船裝
送工次自上年十一月十一日具報開運起截至年
底止總共運過碎石二千十八方八分分運寶山華
亭工次交收除俟隨後陸續裝運再行另報外合將
運過船戶花名押護丁役碎石方數給發燈旗開行
日期先行截數造具清冊具文申報仰祈

鑒覈

計開

楊丹三等船共一百三十八號各給旗燈一副添派家丁押差共一百一名分一十八起於十一月十一日至十二月三十日止給照裝載金山碎石共一千二百十四方三分運赴寶山工次交收

顧嘉生等船共五十二號各給旗燈一副添派家丁押差共二十五名分七起於十二月初十日至三十日止給照裝載金山碎石二百方二分運赴華亭工次交收

吳永傳等船共六十六號各給燈旗一副添派家丁押差共三十四名分六起於十二月初十日至三十日止給照裝載焦山碎石五百九十四方三分運赴寶山工次交收

陳小觀等船共二號各給旗燈一副添派家丁押差二名於十二月初十日給照裝載焦山碎石十方運赴華亭工次交收

道光十六年正月初四日申

署江蘇布政使司裕爲據稟札飭事據署蘇督糧司
知西丞稟稱奉札飭辦顧逕口石洞條石照依丈尺
一律趕採迅速押運送工等因自應遵奉趕辦以濟
工需何敢稍事諉延惟是太倉州並委員稟內聲明
明年正月二十以前先將石洞鋪底條石四百七十
塊辦齊運工其單長條石亦先運工四五百丈卑職
伏查金山石質鬆脆向不開採大料條石祇有焦山
一處可以採用昨奉

撫院面諭隨經卑職前赴焦山查勘止存條石數十
條長短不齊約計八十餘丈不敷工需業已開摺呈

明

鑿覈在案茲以工需合計尙不敷十分之一今奉委辦勢必另行開採第照依長短厚薄一律鑿做平正已屬猝難齊全況輾轉挑運又復在在需時刻下已屆歲除距正月二十日之期爲時無幾即使多集人工勢亦難以依期辦全卑職再四籌畫若非稍寬時日卽不拘長短只須厚薄均勻積長合數庶幾趕辦尙易事關要工設經貽誤咎無可辭不得不先行瀝情具稟仰懇俯念工緊限迫賜予寬展覈示祇遵俾得漏夜集匠採做運送工次至應需價腳卑廳無卷

可查合併附懇飭知吳邑查照前卷將上屆議定價腳照錄一單迅卽送交卑職以憑覈減議價稟覆等情到司據此合亟飛飭札到該州立卽遵照迅速查明應用石洞究於何時必須運工能否寬展期限所辦之石是否必須照前稟丈尺辦運抑可不拘長短只須厚薄均勻積長合數限文到日速卽逐一徑覆該丞照辦並報本司查考至應需價腳上屆每丈若干亦卽查卷開單附覆均毋遲延

道光丁六年正月初三日札太倉州吳縣

歲次丁未年五月三日沐太倉吳總

千亦塘查悉開單核對以憑核議

高丞照擬並請木匠查考至熟書冊以憑核議

只以核議以備核議合議則文便日查核議一併

核議以備核議以備核議以備核議

核議以備核議以備核議以備核議

核議以備核議以備核議以備核議

核議以備核議以備核議以備核議

核議以備核議以備核議以備核議

署江蘇布政使司裕謙爲呈報事據署蘇督糧同知

西丞申稱委辦寶山華亭塘工碎石截至年底止已

運過碎石二千餘方開冊申報在案惟查現在督令

趕裝續運並自山上挑堆水次已約有二千餘方并

於各處添雇石船濟用是以經費雇船在在需用謹

再請領洋錢二千元領回易錢給發等情到司據此

本司查係應給之項自應於繳存司庫寶山塘工捐

項洋錢內支發洋錢二千元俾資濟用除於正月十

三日放給飭將未運各石趕緊源源起運外相應加

戳呈報伏候

鑒覈

道光十六年正月十八日申

署蘇州府督糧同知西拉蒙阿稟敬稟者竊卑職具
稟奉辦移建顧涇口石洞估需料石請示緣由奉
藩司批開已據稟札飭太倉州寶山縣查明應用洞
石究於何時必須運工能否寬展限期所辦之石是
否必須照前稟丈尺辦運抑不拘長短只須厚薄均
勻積長合數逐一徑覆該丞照辦並飭吳縣將上屆
辦運寶山塘石議定價腳開單移送覈減稟辦矣仰
卽遵照一體移查一面嚴督宕戶趕緊採辦運工應
用毋遲此繳等因奉此卑職祇聆之下遵卽一體移
查並飭宕戶先行雇匠迅速採辦及妥議價腳毋許

浮混在案旋據該宕戶等遵照上屆所辦浙工逐一議減開單具稟當查所議係照上屆浙石定價逐加節減似無可刪而昨奉

鈞飭卑職敢不悉心搏節致滋糜費而負

委任至意是經批飭再行確議茲據該宕戶稟稱奉辦寶邑石洞料石照依丈尺長短寬厚再加搏節另開清單呈電惟開採久遠山老宕枯泥水湮積兼之鑿鋼煤鐵工食諸凡昂貴是以萬難再減所有三尺長起之石係浙省之裏石辦有成案而長邑水利曹廉亦經著辦八十五丈運交寶山工用現奉飭減不

敢浮冒稟請轉稟覈給以便趕辦運送前來卑職伏查各項石料悉依工需尺寸辦運固屬料大工巨且如開採成料做糙搬運挑費水腳及一切人工飯食在在需費不少兼之煤鐵鑿鋼等項又值諸多昂貴細覈該宕戶等所議委無浮多卑職斷不敢稍涉顛預虛糜工費謹於萬難覈減之中再四察覈妥爲搏節理合開具清摺恭呈

鑒覈是否如斯伏乞

俯賜批示祇遵俾得具領轉給趕辦實爲公便

再查太倉州李正鼎塘工委員龔潤森及該原估石

匠俱在省垣卑職謹遵

鈞諭業經就近詢問明白限期略可通融至鋪底石長短亦可不拘只須積長二百三十五丈合數寬以一尺二寸爲率厚需一尺兩牆及雁翅寬厚與鋪底石同惟內有五百丈須細工做糙此外各項條石不能覈減等語卑職現在督飭宕戶漏夜照依尺寸一律先行趕辦以期依限運送無誤工需合併聲明肅泐具稟

計開摺

一過橋石部尺長二丈四尺寬二尺厚一尺

每條採匠人工食費計庫銀四十六兩八分

用匠成料工費計庫銀十兩二錢四分

細匠做糙工費計庫銀五兩一錢二分

自山頂至拖下工食計庫銀五兩一錢二分

自山下拽至馬頭工食計庫銀十五兩三錢六分

自馬頭拽夫裝船工食計庫銀五兩一錢二分

運送工次水腳計庫銀十五兩三錢六分

以上每條共合庫銀一百二兩四錢

一撐柱石部尺長一丈七尺寬厚一尺

每條採匠人工食費計庫銀十四兩七錢四分五釐

六毫

用匠成料工費計庫銀三兩二錢七分六釐八毫

細匠鑿鑿做糙計庫銀一兩六錢三分八釐四毫

山頂拖至山下工食計庫銀一兩六錢三分八釐四

毫

山下拽至馬頭工食計庫銀四兩九錢一分五釐二

毫

馬頭拽夫裝船工食計庫銀三兩二錢七分六釐八

毫

運送工次水腳計庫銀四兩九錢一分五釐二毫

以上每條共合庫銀三十四兩四錢六釐四毫

一鑲過橋橫石長二丈寬二尺厚一尺

每條採匠採下大礮人工食費計庫銀三十六兩八

錢六分四釐

用匠成料工費計庫銀八兩一錢九分二釐

細匠鑿鑿做糙計庫銀四兩九分六釐

山頂拖至山下工食計庫銀四兩九分六釐

山下拖至馬頭工食計庫銀十二兩二錢八分八釐

馬頭拽夫裝船工食計庫銀四兩九分六釐

運送工次水腳計庫銀十二兩二錢八分八釐

以上每條共合庫紋銀八十一兩九錢二分

一鋪底照浙省裏石三尺長起四五尺不等寬一尺二寸厚一尺

每丈工價計庫銀七錢二分

做糙工價計庫銀三錢七釐二毫

在山陸路運至水次又自水次運至官塘起站處運

腳每丈計庫銀二錢八分

自官塘起站處運至寶山工所計三百六十里每丈

每里計庫銀二釐四毫四絲八忽每丈計庫銀八

錢八分一釐二毫八絲

以上每丈合庫銀二兩一錢八分八釐四毫八絲

其雁翅牆石每丈另加鑿細工價計庫銀三分

道光十六年正月十八日稟

署江蘇布政使司裕謙爲呈報事據署蘇督糧同知
西丞申稱奉委辦運寶山華亭塘工坦水碎石一案
前蒙

護撫院給發制錢三千千文並前署蘇州府周守移
送價腳錢四百千文又兩次具領司庫洋錢四千元
當經分給宕戶船戶具領辦運並將上年開運起截
至年底止已運過碎石二十餘方造冊申報在案惟
查金焦兩山宕戶踴躍趕辦堆存水次已積有碎石
二千五百餘方各處覓雇船隻亦魚貫來山覈計自
正月初三日起至十五日止兩山又趕裝一千三百

修築寶山塘壩全案 卷一
餘方業已給照運送工次現在又須給發水腳飯食
跟踵接運而十三日領下洋錢二千元已發挑費運
腳將次用竣仰懇俯念需用緊迫卽賜放給洋錢四
千元領回以資給發趕緊接運備領申祈給發等情
到司據此本司查寶山塘工需用碎石一萬一千三
百餘方每方應給價腳制錢二千文業經由司先後
放過洋銀四千四百元又奉

護撫院經發制錢三千千文在案今據該丞以需用
緊迫請再放洋四千元自應按數於寶山捐項洋錢
內動給俾資濟用除於正月十八日放給飭合將未
伏候

鑒覈

道光十六年正月二十四日申

署江蘇布政使司裕謙爲呈報事據署蘇督糧同知西丞稟稱奉委辦運寶山顧涇口石洞石料業經督飭各宕戶趕辦並妥議價腳開摺稟呈惟此項鋪底積單長條石卽係浙江裏石尺寸工價一律相符現當工需緊迫懇賜查照印領將鋪底及兩牆內外雁翅價腳先行放給再過橋等項石料應候覈示飭遵等情並據附送印領請發銀三千六百六十二兩五錢九分二釐一毫到司據此本司查寶山顧涇口移建石洞應辦石料飭據西丞議價具稟並奉前院批司覈覆均經飭令蘇州府覆加確覈現在尙

未詳到茲據稟工需緊迫請將鋪底等石價腳銀三千六百六十二兩五錢九分二釐一毫先行放給等情自應在於司庫寶山塘工捐項洋錢內合銀放給每洋錢一元按照時價合庫平銀八錢該洋四千五百七十八元二角四分作銀三千六百六十二兩五錢九分二釐除於二月初三日放給外相應具文呈報伏候

鑒覈

道光十六年二月初四日申

蘇撫部院林爲飭發事據署蘇督糧同知西丞申稱奉憲臺放給前捐寶山塘工碎石價腳制錢一千千文業經領回散給趕辦合行補具印領呈覈等情到本部院據此查本部院所捐寶山塘工制錢一千千文於上年十一月間卽經發給該丞辦運碎石茲據補送印領前來合就飭發爲此札司官吏卽將發來印領一件查收備案一面轉行該州縣知照並飭該丞將應辦石料趁此春融督率宕匠人等按照尺寸趕緊如式開採陸續僱運交工現在海塘待用緊急切勿稍有延誤

修築寶山海塘全案 卷七
道光十六年二月初八日札

署江蘇布政使司裕謙爲呈明事據署蘇督糧同知西丞稟奉委辦運寶山顧涇口石洞石料內鋪底石原估長寬尺寸減窄合數短少應再申出石一百五十六丈六尺六寸六分四釐補領價腳銀三百四十二兩八錢六分一釐二毫等情到司據此本司查顧涇口石洞需用石料價值已飭蘇州府覈議詳辦并先放發洋合銀三千六百六十二兩五錢九分二釐在案今又據補領銀三百四十二兩八錢六分一釐二毫應將毫尾刪除給發餘俟議覆至日另飭具領除於二月初八日放給領回外相應加戳呈報伏候

修築寶山海塘全案 卷七
鑿覈施行

道光十六年二月初十日申

署蘇州府督糧同知西拉蒙阿爲申報續運碎石方數事案奉

鈞委辦運寶山華亭兩邑塘工坦水碎石一案卑職遵經分督委員嚴押金焦二山各宕戶購辦碎石雇船裝送工次自上年十一月十一日具報開運截至年底止總共分運碎石二千一十八方八分業經造冊申報在案茲截至正月底止續運碎石二千七百四十二方六分六釐合將船戶花名押護丁役給發旗燈開行日期再行造冊具文申報仰祈

鑒覈

修築寶山海塘全案 卷七
計開

何尊爵等船共一百二十三號各絡旗燈一副添派
家丁押差共二十八名分七起於正月初三日至二
十九日止給照裝載焦山碎石八百七十六方四分
運赴寶山工次交收
陸進德等船共二十四號各給旗燈一副添派家丁
押差共九名分四起於正月初三日至二十日止給
照裝載焦山碎石一百十四方九分運赴華亭工次
交收

吳順宗等船共一百二十三號各給旗燈一副添派

家丁押差共二十九名分六起於正月初七日至二
十九日止給照裝載金山碎石九百六十七方一分
六釐運赴寶山工次交收

陸四觀等船共二百二十三號各給旗燈一副添派
家丁押差共四十一名分四起於正月初七日至十
八日止給照裝載金山碎石七百八十四方二分運
赴華亭工次交收

道光十六年二月二十二日申

崇禎十六年二月二十二日申

張華亭工交交效

八日山餘湖災燒金山新派十百八十四式二衣襲

崇工眼多共四十一 寺衣四鼓然五月時十日至十

崇工眼多共四十一 寺衣四鼓然五月時十日至十

六節山法寶山工交交效

十月日山餘湖災燒金山新派十百八十四式二衣襲

崇工眼多共四十一 寺衣四鼓然五月時十日至十

署蘇督糧同知西拉蒙阿謹稟竊查寶山海塘需用

坦水碎石一萬一千三百餘方華亭需用碎石二千

餘方上年奉飭金焦二山採辦八千方太湖諸山採

辦六千方原派委員吳縣湯令及署太湖向倅並卑

職三人承辦議價時務求撙節而宕戶堅稱寶邑歲

修碎石每方係庫紋二兩八錢

撫部院欲照河工阻撓之例問擬各宕戶斬罪斯時

各宕仍恃罪不及衆相率抗違經湯令傳集宕戶議

以每方足制錢二千文取結詳報後各宕戶以方價

過少力不能賠羣相畏縮延不承辦遂將金焦兩山

仙溪山志卷之七
派辦碎石責令卑職一人承辦迨至九十月間太湖
向倅因奉催嚴緊先行試辦數百方用盡心力賠累
數百元嗣經

撫院臨工查驗太湖石黑酥脆不適工用諭儘金焦
先辦遂至太湖應辦六千方之石又復加諸金焦故
金焦二山宕戶獨辦寶華兩邑之工畏累更鉅心更
不甘雖迫以官勢亦抵死不能遵從且宕戶皆稱祇
能辦石何能迫令裝運其原議方價二千文每方以
九百五十文爲山上挑搬之費以一千零五十文爲
船戶運送之用係早經稟明有案不能更改其時海

塘旣已開工限期緊迫原派委員三人又退其二僅
賸卑職一人何敢畏難稟退而宕戶等衆心堅避卽
稟請盡法處治亦屬於公無益卑職再四思維只得
傳集宕戶通盤熟商諭以九百五十文責成該宕戶
等按數辦石其運船一切概由官辦各宕戶始無可
再諉將自山上搬挑水次承認領辦而斯時開工已
久催檄絡繹時值隆冬河乾水涸船皆避匿非特封
雇爲難卽以民價平雇亦無船承裝從前稟請行知
太倉寶山上海崇明四處雇船迄無一船雇到塘工
緊迫裝運無船卑職計無所施只得親遣丁役自往

鎮江無錫上海寶山崇明浙江之嘉善乍浦等各路
覓雇堪以裝運工次之船多給定錢方腳之外加津
水腳及坐日飯食等項不惜重賞不吝賠貼設法招
來始將應手及時開運而此中加腳燈旗並丁役雇
船兩山書辦丁役及逐船押送工次各飯食犒賞並
駁淺船價受裝坐日及在工次耽延坐日飯食等項
皆不在方價一千零五十文之內又恐工次收方貽
累宕戶是以親自往來各山督令按方裝船後卽於
船旁刻定水痕使工員得以按照水痕收石不致船
戶盜棄短少並省工次再行堆方之費於是宕戶船

戶並工員等均皆稱便卑職當將辦理情形及賠貼
緣由均經隨時回明在案自上年十一月十一日開
運後跟踵接續裝運無停彼時工所係總董沈樑一
人經收截至十二月二十日止碎石到工按方交收
絲毫無短不意正月以來石船卸空掣來回照忽填
短少詢之船戶皆云實無短少惟稱工次另籤董事
二人收石不悉何以將照內填少之故自是以後回
照內缺少愈多截至二月初八日止缺少石方竟有
二百數十船之多卑職驚異不可言狀今奉指示令
卑職親自到工徹底盤量及卑職親至工所查見碎

石沿海拋堆當憑工員及寶山毛令詢問董事某堆原收幾何係某某船裝送到工皆無記認可考且已大半陷入泥淖若非逐一取出堆方無以見實在有無短少之數及詢諸收石董事始知工所係按九千斤作一方然當場眼同秤見每方僅止五千七百餘斤當據該董事憑同工員並毛令面稱沿海拋堆之石甚多若將陷入泥淖之石再行起出堆方量見不獨工費無出更恐耽延時日當時既未逐船查驗水痕又未逐堆標記船戶姓名此時無從追溯第以所短二百數十號之船覈計回照短少之石一千二百

餘方似覺過多擬以六千斤作一方允許酌半申還其餘一半賠補斯時毛令及工員等在座咸稱所議公允且據該董事等僉稱坦坡估有丈尺若收工時覈數不甚懸殊卽知石方無短自可無須賠補此時亦可懸而不論等語卑職目擊形勢難以執拗惟與毛令及工員龔徐二令面議自後運石收方可撥工所董事二人在於金焦二山眼同堆方見數後卽令船戶自行眼同夫工搬運上船以杜宕戶短少之弊仍由卑職親身於船傍刻定水痕到工後只須查驗水痕符合卽可照收若痕淺不符卽係船戶沿途拋

棄按數究賠卽經毛令及各董事等稱善且許以卽遣董事來山是以卑職返棹僭辦靜候董事前來堆方裝運再查工所江西需用碎石已敷現須運赴江東及顧涇口濟用然顧涇口相隔吳淞口六七十里海面寬闊風濤汹涌石船載重恆虞不測昨有錢五觀等兩船運送顧涇遭風打至劉河船損不堪撐駕而江東亦係隔海風浪險阻內河之船更視為畏途現在毛令等等籌議疏濬隨塘河刻日興工俾大小石船均可由此河載送顧涇口工次期無貽誤然裝載碎石之船皆卑職優價雇募而來當此踴躍裝送之

時運已及半勢難停待且恐各船因此逃散則將來散而復聚勢必為難使卑職前功盡棄滋誤要工何克當此嚴譴是以必須接續裝運江東之石俟江東運足則隨塘河亦將次疏竣卽可接續由隨塘河僭運顧涇口之石第江東與江西隔海又兼黃浦江尾浞衝激風浪最稱汹涌船難對渡必須繞入黃浦上游甫能順溜下抵江東查裝石之船大都皆內河居多素畏涉海又慮行駛周折若僅令該船戶自行裝送江東誠恐畏險中途棄逃必須委員押令行駛方保無誤現在金焦兩山既由毛令籤撥董事徐聖章

修築寶山海塘全案 卷一
等來山堆方則董事經理委員之事似可將兩山委員卽赴工次專管押船裝送江東一轉移間事可兩全公歸實濟合無仰懇卽賜檄催寶山毛令迅將所籤董事二人速飭星夜前赴金焦二山經理碎石堆方事宜並請分檄金焦二山委員卽速督押石船徑赴江東工次交卸俾免違抗實爲公便

道光十六年二月三十日稟

署蘇州府督糧同知西拉蒙阿爲造冊續報事奉委辦運塘工坦水碎石一案卑職遵於金焦二山分督委員嚴押各宕戶購辦碎石仍由卑職設法雇船裝送工次自上年十一月十一日具報開運起卸至年底止運過碎石二千一十八方八分又自本年正月初三日起至正月底止續運碎石二千七百四十二方六分六釐均經兩次截數造冊申報在案茲自二月初一日起截至十五日止續又裝運碎石二千三百七十方三毫赴工交收合將船戶花名押護丁役給發燈旗開行日期再行造冊具文申報

計開

許曾觀等船共二百四十三號各給旗燈一副添派家丁押差共四十二名分十一起於二月初二日至十五日止給照裝載金山碎石一千四百八十四方一分六釐五毫運赴寶山工次交收
丁又來等船共一百四十三號各給旗燈一副添派家丁押差共三十六名分九起於二月初一日至十三日止給照裝載焦山碎石八百八十五方八分三釐六毫運起寶山工次交收

道光十六年三月初一日申

署江蘇布政使司裕爲遵批札飭事奉

蘇撫部院林批署蘇督糧同知西丞稟請催寶山撥董事來山並飭金焦山委員押送石船經赴江東情由奉批查此次寶山塘工需用碎石一萬三千三百餘方華亭亦需二千餘方均由該丞一手承辦運送到工允屬急公出力惟據稟工次所收截至二月初八日止共短石一千二百餘方該丞到工查詢原收之石大半陷入泥淖又不能認出某堆係某船所裝惟當場秤見每方五千七百餘斤與先前工次所收按九千斤爲一方者多寡懸殊實爲可異查此項碎

石裝船起運時據於船旁刊有水痕以爲照驗如果船戶沿途偷賣或圖輕便私行拋棄則水痕必不相符如水痕已符而方數仍短卽是宕戶偷減工次查驗之際是應於回照上載明水痕是否相符方得覈見實數知由何處短少乃該縣於石船運到並不驗明水痕輒任沿海拋填以致陷入泥淖者甚多是辦理全未覈實無怪彼此事後之各執一詞矣至所稱工所係按九千斤作一方今秤見每方只應五千七百餘斤果如所言則山宕發石三千方僅合工所二千方之數相去竟如霄壤但本部院未經目擊未便

以一面之語爲憑仰蘇州布政司轉飭該丞於起運碎石時先在胥門馬頭暫行停泊稟請本部院親臨該處指出一船於岸上實地堆成一方聽候驗明過秤則該丞所稟與工次所收之方數孰贏孰詘無難立見至所稟揀選妥幹董事兩人馳赴金焦二山眼同堆方見數卽於船旁刻定水痕到工後只須驗明水痕符合卽可照收若痕淺不符按數究賠尙屬簡便之法旣據稟稱該縣毛令及董事等皆相稱善應卽飭令迅速遵行又委員押船先赴江東一節查前據毛令等面稟土塘工竣之後於分段委員之中酌

留諳練者六員接辦顧涇口石洞及隨塘河工程現
在石船既須押赴江東可卽於該六員中選派二員
專司其事所有運送碎石船隻一抵寶境卽先押赴
江東工次交卸總俟江東交足再向江西交收以免
船戶避就并令西丞將顧涇口石洞需用石料督率
宕匠人等按照尺寸揀選堅結山石趕緊如式採運
交工具報均毋稍任延誤繳等因到司奉此並據該
丞並稟前來除札飭西丞遵照

批示於起運碎石時先在胥門馬頭暫行停泊稟請
撫院親臨驗明過秤以見羸絀并飭將顧涇口石洞
需用石料督率宕匠人等按照尺寸揀選堅結山石
趕緊如式採運交工外合札太倉州立飭遵照速卽
揀選妥幹董事兩人馳赴金焦二山眼同經理堆方
見數卽於船旁刻定水痕以便到工後易於查驗並
於分段委員內所留諳練六員中選派二員專司押
運石船所有碎石船隻一抵寶境卽先押赴江東工
次交卸總俟江東交足再向江西交收以免船戶避
就先將選派員名通報並令該員等將押運船數石
數隨時報查均毋違延

道光十六年三月初四日札

署江蘇布政使司裕謙爲呈報事據署蘇督糧同知西丞稟稱奉辦寶山華亭塘工碎石一萬三千三百餘方每方制錢二千文共需二萬六千六百數十千文除領過外尙應找領價腳一萬三千餘串查金焦兩山已運過華寶兩邑碎石七千一十方零其餘碎石亟宜乘時趕辦以便於三月內一律裝船運赴工次今請先行放給洋錢一萬二千元領回發給趕辦等情到司據此本司查華亭寶山兩處塘工需用塊石一萬三千三百餘方內華亭需用塊石二千方前據松江府申據華亭遣屬隨同委員孫琬赴蘇由吳

修築寶山海塘全案 卷一
縣湯令向宕戶定買料石二千方等情應由華亭縣自行覈給外其寶山需用碎石一萬一千三百餘方每方應給價腳制錢二千文共該二萬二千六百餘千內除先後由司放過洋錢八千四百元應照時價合錢覈算又奉

撫院徑發制錢一千千文

陳護撫院徑發制錢三千千文外約計尙應找發錢九千餘千惟查該丞稟敘寶山工次僅運五千九百餘方零而領價一萬三千餘串覈計已有溢領且司庫所存洋錢現發上海黃令解赴工次一萬七千元

茲據稟趕於三月一律裝船運赴工次等情應再發給銀六百兩洋錢四百元俾資辦運除於三月初三日放給飭令將未運各石趕緊源源起運外相應加戳呈報伏候

鑒覈

道光十六年三月初四日申

道光十六年三月十四日申

部

部

署江蘇布政使司裕謙爲呈報事據署蘇督糧同知西丞稟稱奉辦寶山華亭塘工碎石一萬三千三百餘方已運過七千方有零奉發洋銀隨時散給下餘碎石六千餘方亟宜乘時趕辦接續運工其華亭塘工碎石價腳蒙飭由卑職自向清理外惟是寶山碎石未運尙多宕戶辦石方價船戶水腳飯食必須隨時給發在在需錢接濟無項可墊乞賜發給洋錢六千元俾得易錢散給等情到司據此本司伏查寶山需用碎石一萬一千三百餘方每方應給價腳制錢二千文共該錢二萬二千六百餘千截至現今止除

奉干文共銀二萬二千六百兩
撫院暨司一萬一千三百兩
陳護撫院徑發制錢及由司先後五次放過銀六百兩洋錢八千八百元應照時價合錢約計已有一萬四千餘串而應辦寶山碎石前據稟敘僅運五千九百餘方是給價已浮於運石且收到石數未據寶山具報未便如稟發給惟據稟未運各石宕戶方價船戶水腳飯食必須隨時給發似係實情應再酌發洋錢二千元俾資辦運除於三月初三日放給飭令將未運各石趕緊源源起運并飭寶山縣將收到石數

隨時通報外相應加戳呈報伏候

鑒覈

道光十六年三月初七日申

署蘇州府督糧同知西拉蒙阿爲造冊續報事奉辦
運塘工坦水碎石一案卑職遵於金焦二山督押購
辦碎石悉由卑職設法雇船裝送工次自上年十一
月十一日具報開運起截至年底止運過碎石二千
一十八方八分本年正月初三日起至正月底止運
石二千七百四十二方六分六釐又自二月初一日
起至二月十五日止運石二千三百七十方三毫業
經三次截數造冊申報在案茲自二月十六日起至
二月底止陸續裝運碎石一千三百四十四方一分
連前統共運過坦水碎石八千四百七十五方五分

六釐三毫均已裝船赴工交收合將船戶花名押護
丁役給發旗燈開行日期再行造冊具文申報仰祈

鑒覈

計開

楊丹三等船共七十五號各給旗燈一副添派家丁
押差共二十五名分八起於二月十六日至三十日
止給照裝載金山碎石七百四十一方運赴寶山工
次交收

馮德仁等船共八十二號各給旗燈一副添派家丁
押差共二十六名分八起於二月十六日至二十八
日止給照裝載焦山碎石六百三方一分運赴寶山
次交收

道光十六年三月初十日申

署蘇州府督糧同知西拉蒙阿爲造冊續報事奉委
辦運塘工坦水一案卑職遵於金焦二山督押宕戶
購辦碎石悉由卑職設法雇船裝送工次自上年十
一月十一日具報開運起截至年底止裝船二百五
十八隻運過碎石二千一十八方八分本年正月初
三日起至正月月底止裝船四百九十三隻運石二千
七百四十三方六分六釐分運寶山華亭工次交收
又自二月初一日起至二月十五日止裝船三百八
十五隻徑運寶山碎石二千三百七十方三毫又自
二月十六日起至二月底止裝船一百五十七隻徑

運寶山碎石一千三百四十四方一分業經四次截
數造冊申報在案茲自三月初一日起至三月十五
日止陸續裝船二百一十九隻徑運寶山碎石二千
八十二方三分連前統共運過碎石一萬五百五十
七方八分六釐三毫均已裝船赴工交收合將船戶
花名押護丁役給發旗燈開行日期再行造冊具文
申報仰祈

鑒覈

計開

宣長順等船共一百二十九號各給旗燈一副添派

家丁押差共三十八名分十起於三月初一日至十
五日止給照裝載金山碎石一千二百二十五方運
赴寶山工次交收

李龍昌等船共八十號各給旗燈一副添派家丁押
差共二十六名分十起於三月初二日至十五日止
給照裝載焦山碎石八百五十七方三分運赴寶山
工次交收

道光十六年四月初一日申

道光十六年四月十一日奉

工部交辦

修築寶山海塘工程共計銀一萬一千三百餘兩
其內已領銀一萬一千三百餘兩
其內已領銀一萬一千三百餘兩
其內已領銀一萬一千三百餘兩
其內已領銀一萬一千三百餘兩
其內已領銀一萬一千三百餘兩
其內已領銀一萬一千三百餘兩
其內已領銀一萬一千三百餘兩
其內已領銀一萬一千三百餘兩
其內已領銀一萬一千三百餘兩

署江蘇布政使司裕謙爲呈報事竊照署蘇督糧同知西丞承辦寶山塘工需用碎石一萬一千三百餘方每方應給價腳制錢二千文共該錢二萬二千六百餘千截至現今止除奉

撫院暨

陳護撫院徑發制錢及由司先後六次放過銀六百兩洋錢一萬八百元應照時價合錢其尙應找給之項前據該丞稟領當因無款飭俟提解捐項至日另行覈給在案茲查現有鎮洋縣訓導洪洞捐解工用洋錢六千元堪以在內酌發洋錢一千五百元俾資

辦運除於三月二十八日放發飭令將未運各石趕
緊源源起運并飭寶山縣將收到石數隨時通報外
相應具文加戳呈報伏候

鑒覈

道光十六年四月初三日具申

署江蘇布政使司裕謙爲呈報事竊照署蘇督糧同
知西丞承辦寶山塘工需用碎石一萬一千三百餘
方每方應給價腳制錢二千文共該錢二萬二千六
百餘千截至現今止除奉

撫院暨

陳護撫院徑發制錢及由司先後七次放過銀六百
兩洋錢一萬二千三百元應照時價合洋其尙應找
給之項茲據該丞具領續請給發洋錢一千五百元
前來查有鎮洋縣訓導洪炯捐解工用洋錢堪以在
內動給俾資辦運除於四月初三日放發飭令將未

修築寶山海塘全案 卷十
運各石趕緊源源起運并飭寶山縣將收到石數隨時通報外相應具文加戳呈報伏候

鑒覈

道光十六年四月初八日申

署江蘇布政使司裕謙爲呈報事案據署蘇督糧同知西丞稟領委辦寶山塘工碎石價腳洋錢三千元等情到司當查該丞委辦碎石一萬一千餘方前據冊報截至本年二月底止共已辦運石八千四百七十五方零就給過價腳銀洋約計已有溢領錢二千三百餘千文其餘石二千九百餘方未據續報辦運批令將未辦碎石趕緊辦運交工濟用造具辦石細數確冊送司覈奪去後茲據該丞稟稱遵查此項碎石自二月底截數造報後隨即接續僱運自三月初一日起至三月十五日止續又運過石二千八十二

方三分仰乞查照前稟放給洋錢三千元等情前來查該丞承辦寶山塘工需用碎石一萬一千三百餘方每方應給價腳制錢二千文共該錢二萬二千六百餘千截至現今止除奉

撫院暨

陳護撫院徑發制錢及由司先後八次放過銀六百兩洋錢一萬三千八百元應照時價合錢其尙應找給之項茲據該丞具領續請給發洋錢三千元查寶山捐項現有存貯堪以在內動給俾資辦運除於四月二十二日放發飭令將未運各石趕緊源源起運

并飭寶山縣將收到石數隨時通報外相應具文加
戳呈報伏候

鑒覈

道光十六年四月二十六日申

署江蘇布政使司裕謙爲據情轉詳事竊照寶山修築海塘案內移建顧涇口需用石料價值前據署蘇督糧同知西丞開摺具稟到司當查寶山顧涇口應辦石料價值節據西丞請飭吳縣查案移送議減現據吳縣申送摺內係照浙塘石價開報聲明並無寶山塘石成案茲據西丞將各石議價開摺具稟是否節省無浮批府覆加確覈切實議詳察奪旋奉前護院批司逐一確覈詳覆又經轉飭遵照嗣據蘇州府兩次具詳此項鋪底石價腳係照採辦浙塘裏石價值開報覆覈相符毋庸置議其餘過橋撐柱鑲

過橋橫石等項並無成案可援查覈尙無浮冒應請照估給辦等情復經札飭西丞自行大加刪減會同該府另行詳辦卽據蘇州府會同西丞詳請將前摺所開過橋撐柱鑲過橋橫石三項價腳量減一成因查前據該丞面稟此項過橋撐柱鑲過橋橫石價腳照原議減去一成仍減定之數以銀一兩折洋錢一元等情今僅據詳明覈減一成殊與所稟不符批令確切刪減另詳察奪去後茲據西丞詳稱寶山縣顧涇口需用過橋撐柱及鑲過橋橫石三項價腳蘇省向無採辦估計成案無可援引前奉札飭議價遵傳

各宕戶到案當堂諭導令其據實開報各宕戶咸以前三項石料丈尺旣鉅開採鑿鑿人工飯食諸多昂貴又自山頂陸運上船及裝船運送工次夫工水腳需費不少今開價腳委無浮多卑職當以所開雖礙難刪減務求搏節以銀易洋似可減省卽據各宕戶以人工運腳已經搏節議刪實無可減之處回覆是以開具清摺稟呈旋奉札飭會府議刪卽經查照原數量減一成具覆在案今奉批飭似應卽照減去一成之數再以每銀一兩請折洋錢一元放給以歸搏節而杜浮混除飭各宕戶遵照外謹將遵飭刪減緣

由詳覆鑒覈批示定案等情到司據此本司伏查寶山顧涇口石洞需用過橋撐柱及鑲過橋橫石三項價腳銀兩節據西丞并蘇州府議詳均經批令確切刪減茲據西丞詳覆請照減去一成之數再以每銀一兩折洋錢一元放給等情似應俯如所請照減定之數覈給相應據情轉詳伏候

鑒覈批示飭遵

道光十六年五月十一日詳

辦石委員前署蘇州府督糧同知西拉蒙阿申報條石運竣事案奉

委辦運寶邑顧涇口石洞雁翅鋪底並過橋撐柱等各項條石一案卑職遵經分督金焦兩山宕戶如數趕辦今自二月初五日開運日起截至五月初三日止共運過雁翅鋪底條石一千八百二十三丈四尺一寸同奉辦過橋石六條撐柱石八條鑲過橋橫石二條並另添底礫八個均已照依奉辦尺寸如數辦齊運赴寶山工次交收合將運竣條石塊數丈尺船戶花名開行日期造冊具文申送仰祈

鑒覈

計開

秦阿錫等船共一百八號裝運金山條石二千三百五十四塊計九百八十二丈六尺二寸於二月初五日
至三月初七日接續給照開行運赴寶山工次交收

劉永泰等船八十七號裝運焦山條石二千一百九塊計八百五十二丈五尺四寸於二月初五日至二月二十八日接續給照開行運赴寶山工次交收
統共金焦二山共船一百九十五號運過雁翅鋪底

條石四千四百六十三塊計一千八百三十五丈一尺六寸除去遭風拋失折耗十一丈七尺五寸實運條石一千八百二十三丈四尺一寸

另運撐柱過橋底礫等石項下

船戶錢富觀裝載金山撐柱石四條底礫四個

船戶熊德裝載焦山鑲過橋橫石一條撐柱石一條

底礫一個

船戶張永裝載焦山過橋石一條撐柱石一條底礫

一個

船戶湯明裝載焦山過橋石一條撐柱石一條底礫



原件短缺

P64

一個
船戶陳敘裝載焦山過橋石一條撐柱石一條底礫
一個

船戶李順觀裝載金山鑲過橋橫石一條過橋石一條
船戶任雙全裝載金山過橋石二條

統計金焦二山共船七號裝運過橋石六條每條計
長二丈四尺寬一尺厚一尺撐柱石八條每條計長
二丈七尺見方一尺鑲過橋橫石二條每條計長二
丈寬二尺厚一尺並底礫八個每個見方二尺
道光十六年五月初十日申

此項減定之價實已有絀無盈前詢寶山毛令暨委
員龔令現在西丞辦理此項石料價腳實在有無浮
多能否再行刪減據該二令覆稱洞石各料丈尺既
巨所需採鑿盤運水腳甚大前已一再刪減似屬無
浮卑職覆加確訪無異因又面詢西丞據稱前詳以
銀易洋已屬勉遵

鈞諭捐貼辦理今若再行刪減宕戶不能短給仍係
該丞賠累等語伏查西丞業經丁憂卸事該丞於辦
運碎石不無賠累今此項洞石照刪減之數給發已
須捐貼若再飭減累更難支懇賜轉詳準照前詳減

修築寶山海堤
卷七
定之數給發俾卸事之員得免賠累等情到司據此
相應據情轉詳伏候

鑒覈批示飭遵

道光十六年六月十四日具詳

江蘇布政使司怡良爲據情轉詳事案奉

蘇撫部院林批前署司詳寶山縣顧涇口洞石需用
過橋撐柱及鑲過橋橫石三項價腳奉

批覈減飭據蘇州府詳覆此項洞石照減定之數給
發已須捐貼若再飭減累益難支懇賜轉詳難照前
詳減定之數給發俾免賠累據情詳候覈示飭遵緣
由奉批旣據該司飭府覆查擷節無浮仰卽如詳飭
遵查取總共實需洋錢數目清冊送查毋遲等因到
司奉經飭府轉移遵照查明前項洞石價腳總共實
需洋錢數目開冊送覈去後茲據蘇州府詳準辦石

委員西丞牒稱覈查採辦寶邑顧涇口洞石價腳遵
照前詳減定之數以銀易洋總共實需洋錢九百四
十元一角二分前項石料均經趕辦完竣造冊通報
在案合將實需價腳開造清冊具領備文牒送覈轉
詳給等因由府轉詳請給前來本司查西丞承辦顧
涇口需用過橋石六條每條原估銀一百二兩四錢
照詳案減去一成該銀九十二兩一錢六分又按減
定銀數再以每銀一兩折洋錢一元實需每條價腳
洋錢九十二元一角六分計六條共該洋錢五百五
十二元九角六分又撐柱石八條每條原估銀三十

四兩四錢六釐四毫照詳案減去一成該銀三十兩
九錢六分六釐又按減定銀數再以每銀一兩折洋
錢一元實需每條價腳洋錢三十元九角六分六釐
計八條共該洋錢二百四十七元七角二分八釐又
鑲過橋橫石二條每條原估銀八十一兩八錢九分
照詳案減去一成該銀七十三兩七錢一釐又按減
定銀數再以每銀一兩折洋錢一元實需每條價腳
洋錢七十三元七角一釐計二條共該洋錢一百四
十七元四角二釐以上統共應給前項價腳洋錢九
百四十八元九分茲覈西丞冊開請領銀數均多不

符自應由司覈正放給除於七月初八日在外庫寶
山塘工捐項內動支洋錢九百四十八元九分放給
西丞領回外相應加戳呈報伏候

鑒覈至前項洞石價腳總共實需洋錢數目清冊現
存飭換俟送到另呈合並聲明

道光十六年七月初七日申

前署蘇督糧同知西拉蒙阿敬稟者竊卑職奉

委承辦寶山縣海塘坦水碎石一萬一千三百餘方
金焦宕戶見原議價腳每方大錢二千文實有不敷
不敢包運僅將自山上挑至水次每方價腳九百五
十文領去辦石其船運交工每方一千零五十文官
爲經理卑職荷蒙

撫院委任仰體憲意獨力承辦而以萬餘千方之石
裝送交工兼之運腳實有不敷難易情形自邀

洞察本年二月間因查知工上掣來回照忽有少收

稟蒙

撫院諭令自往清理卽經卑職將往查議明此後由該縣董事經赴金焦驗收以杜短少之弊聲明卑職覓船裝運之難每方津貼水腳預給定錢犒賞飯食丁役押送各情形縷晰肅稟

批示在案茲奉
前署藩司札奉

撫院批塘工委員稟請添辦碎石三千方奉查折耗之由并催卑職將已辦未運石料趕緊運竣不得因已交卸藉詞諉延等因遵查前項碎石船戶裝石一方按給方價一千零五十文之外每方加貼水腳三

百五十文除剝石一方另給每方二百八十文係剝運小船具領外覈計初雇時給予定錢及按次賞號飯食該船戶裝石一方較宕戶所得幾多一倍奚容稍有裝少報多之弊昨卑職親押尾船到工查對收賬據毛令督同董事面憑工員覈對回照自上年十一月開運起截至五月十二止收到發票碎石一萬零六百餘方實計收見八千九百餘方較之發票計短一千七百餘方當經面查短少之由卽據在工各董事並毛令工員等咸稱金焦堆方量收有董事眼同堆量方數原屬有餘祇緣由山陸運搬上小船剝

送大船已不免有拋散折耗且由黃浦江運送到工經工員董事等目擊數次風潮已打壞十九號不獨片石無存而且船多折板此等情形船戶無不觸目警心是以風勢稍大恐有不測隨時將石拋棄水中名曰鬆艙以期經駛無虞又船抵海灘必須待潮起卸而潮落時船石身重恐沙硬舊石擱傷船底亦卽就地拋卸每多石陷泥淖之中此由黃浦江運工之折耗也工員等又云石船到時雖在吳淞口擇平地親督堆方不使稍有架虛凌空然究不能如挨樁密砌逐層填實昨將堆方之石砌入樁內仍有短少因

未悉實短若干當令砌石人夫將量收石方搬砌工內如式密填覈計每方只有八折零此又到工堆方量收後仍不能免於折耗之原委也今已驗收之八千九百餘方將來砌成亦只八折既非船戶裝少報多亦非在山交方經理不善何能責令賠償等語并據公同等籌畫現需實數現已驗收八千九百餘方覈計砌實僅能作收七千一百二十餘方計少碎石三千四百八十餘方又北王廟牛頭涇等處原議仍用舊石現當伏汛潮旺石陷深泥難撈自當用新石砌築除已撈砌外現仍少石四百八十五方零又石洞

上下水加築椿石壩估用碎石一百二十餘方共應添購石六百餘方連前折耗共應添購四千八十餘方卽此四千餘方仍不免有折耗應按八折申算貯購折耗石八百餘方通計前後共應添購石四千八百八十餘方方足敷工用議令卑職卽速領價購運一面由伊等自行具稟卑職伏思前項折耗及續須添購之石皆係毛令工員董事等公同面議似不能少然卑職在工目擊又深慮經費不敷卑職旣沐恩暎委辦鉅工此時大功垂成安敢坐視一簣今卑職謹擬除現須添購新石及應預購折耗石共一千

四百餘方仍由縣詳請發價添購外其餘二千四百八十方統由卑職捐辦運工濟用俾通工一律足敷可期速竣以仰副

惠澤深仁功隆保障之至意至前奉批飭府州會議之處并求飭知毋庸另議以省煩牘再卑職尙有辦運華亭碎石一千一百零九方三分除一律貼給水腳等費之外所有正價每方二千文現遵

前署藩憲札飭自向清理並未赴司庫領價合並聲明

道光十六年七月初八日稟

前署蘇督糧同知西拉蒙阿爲造冊續報事案奉
札辦運塘工坦水碎石一案卑職遵於金焦二山督
押岩戶購辦碎石悉由卑職設法雇船裝送工次自
上年十一月十一日具報開運起至本年三月十五
日止共運過碎石一萬五百五十七方八分六釐三
毫內除運過華亭碎石一千一百九方三分自向清
算外共運寶山碎石九千四百四十八方五分六釐
三毫業經五次造冊截數申報在案茲又自三月十
六日起陸續裝運寶山碎石一千八百五十五方一
分三釐連前統共運過寶山碎石一萬一千三百三

方六分九釐三毫均已裝船赴工交收合將船戶花
名押護丁役給發燈旗開行日期再行造冊具文申

報

計開

陸朝品等船共八十五號各給旗燈一副添派家丁
押差共二十七名分八起於三月十六日至二十二

日給照裝載焦山碎石共九百四十六方一分二釐

運赴寶山工次交收

宣長順等船共一百十五號各給旗燈一副添派家

丁押差共二十八名分七起於三月十七日至二十

四日給照裝載金山碎石共九百九方一釐運赴寶

山工次交收

連前共運寶山碎石一萬一千三百三方六分九釐

三毫

又另辦華亭碎石一千一百九方三分前已附冊申

明統共辦運過碎石一萬二千四百十二方九分九

釐三毫

道光十六年七月三十日申

欽此

欽此

欽此

欽此

欽此

欽此

欽此

欽此

署江蘇布政使司裕謙爲呈報事案據前署蘇督糧同知西丞申稱寶山塘工應添購碎石一千四百餘方按照原議每方價腳錢二千文合計需錢二千八百餘千文卑職現今遵將添購認補各石料趕緊採辦運工所有添購碎石價腳急需現錢給發相應遵飭請領錢二千八百千文俾得散給上緊購運申祈覈給等情到司當查添辦石一千四百餘方及認補石三千四百八十餘方僅稱趕緊採辦運工究已辦運若干並未聲明卽經札飭查明起運實數具覆覈給去後茲據西丞稟覆現在採辦運工者悉係捐補

之石所有應行添購碎石一千四百餘方若俟捐補之石運竣後再行請領發價採辦誠恐悞延時日是
以備文申領以便早爲散給接續運工至捐補之石
隨採隨運計現已交工數百其餘在途及到工候收
亦有數百方所有前項添辦碎石價腳仰乞批發散
給等情前來本司查西丞承辦石料既據將認捐石
料先行採運其添購石一千四百餘方尙未起運所
請價腳未便全發惟前項石料據稱應先發價採辦
若俟捐補之石運竣後再發誠恐悞延時日姑準先
發一半價腳錢一千四百千文按照時價每洋錢一

元易錢一千一百文共該洋錢一千二百七十二元
七角二分七釐除八月十八日放給領回并飭西丞
將未運各工於月內掃數交工應用外相應加戳呈
報伏候

鑒覈

道光十六年八月二十三日申

卷之七
三

署江蘇布政使司積拉明阿爲呈報事案照前署蘇
督糧同知西丞承辦寶山塘添購碎石一千四百餘
方應給價腳錢二千八百餘千文業經放給一半嗣
據西丞請找一半價腳錢一千四百千文到司當查
前項添辦碎石應行給價之一千四百餘方又西丞
認捐三千四百餘方現在添購之石已未到工若干
認捐補石三千四百餘方已未到工若干均未開報
卽經札查寶山縣具覆覈辦復又札催各在案迄未
具覆茲據總催委員徐家槐面稟前項料石業已運
工所有未給價腳自應按數放給按照時價每洋錢

修築寶山海堤全案 卷十
一元易錢一千一百一十文共該洋錢一千二百六十一元二角七分除於十月十八日放給領回外相應加戳呈報

道光十六年十月二十二日申

辦石委員西拉蒙阿爲造冊申報事案奉

鈞委辦運寶邑塘工坦水碎石一案除自開運日起至上年三月底止六次報運碎石一萬一千三百三方六分九釐三毫均由卑職覈數裝運工次是以隨時截數造冊申報在案嗣奉

札飭添辦碎石一千四百餘方及卑職自行捐補碎石三千四百餘方係卑職陸續購運赴工由工員覈計方數掣回運照以憑轉報祇緣各船到工先後不齊所掣各照亦未能同時挨號掣銷是以有稽造報今始彙齊各照合將到工日期量見方數船戶花名

並押護丁屬給發燈旗造冊具文申報仰祈
鑒覈

計開

船戶鄭文興等十三船給發燈旗十三副派屬一名
於五月二十七日押護到工掣回工收印照共量見
碎石三十六方八分二釐五毫

湯明等六船給發燈旗六副派屬一名於五月二十
八日押護到工掣回工收印照共量見碎石四方七
釐五毫

吳百壽等八船給發燈旗八副派屬一名於五月三
鎮洋縣訓導洪炯稟竊卑職奉委在於寶邑吳淞口
接收採辦金焦兩山條石轉雇剝船運送顧涇口改
建石閘等因自上年二月初五日起至六月十七日
止共收到委員前署蘇督糧西丞運來條石四千四
百三十二塊計長一千八百二十三丈四尺一寸除
轉運顧涇口三千五百九十二塊計長一千四百八
十四丈四尺仍賸存吳淞口條石八百四十塊計長
三百三十九丈一寸現因石閘已成賸石毋庸運往
點數飭令吳淞口總甲看管移交寶山縣毛令查存
立案作何另用應由寶山縣續文報銷理合報明

道光十六年八月二十三日稟文詳驗暨合辦

編總船令吳然口蘇州府交寶山縣手合查

三百三十廿支一十山因百開日知類或母

十四支四只外觀音吳然口蘇州府八百四十

轉數解口三千五百六十二號九或一千四百八

百二十一號指具一千八百二十三支四只一十

山其地府交寶山縣西丞數來蘇州府四千四

支一則八號指具一千八百二十三支四只一十

對以米山山山山山山山山山山山山山山

山山山山山山山山山山山山山山山山山

十日押護到工掣回工收印照共量見碎石十一方

三分七釐三毫

張時豐等七船給發燈旗七副派屬一名於六月初

四日押護到工掣回工收印照共量見碎石八方八

分四毫

夏喜觀等六船給發燈旗六副派屬一名於六月初

五日押護到工掣回工收印照共量見碎石二十方

四分二釐五毫

莊富學等二船給發燈旗二副派屬一名於六月初

七日押護到工掣回工收印照共量見碎石七方九

分二釐五毫

張德明等八船給發燈旗八副派屬一名於六月初八日押護到工掣回工收印照共量見碎石九方八分七釐八毫

張慶祥等十六船給發燈旗十六副派屬二名於六月初十日押護到工掣回工收印照共量見碎石八十三方五分二釐

惠善慶等十六船給發燈旗十六副派屬二名於六月十二日押護到工掣回工收印照共量見碎石六十方二分四釐

顧德慶等六船給發燈旗六副派屬一名於六月十五日押護到工掣回工收印照共量見碎石二十三方一分三釐五毫

鄧廷桂等二十一船給發燈旗二十一副派屬二名於六月二十一日押護到工掣回工收印照共量見碎石二百一方五分四釐二毫

蔣正泰等二十二船給發燈旗二十二副派屬二名於六月二十五日押護到工掣回工收印照共量見碎石二百五十四方六分四釐八毫

趙大觀等五船給發燈旗五副派屬一名於六月二

十八日押護到工掣回工收印照共量見碎石六十二方六分九釐七毫

余三元等十一船給發燈旗十一副派屬一名於六月二十九日押護到工掣回工收印照共量見碎石一百二十三方八分四釐三毫

金三壽等十三船給發燈旗十三副派屬一名於七月初二日押護到工掣回工收印照共量見碎石一百三十三方四分九釐四毫

張隆順等十六船給發燈旗十六副派屬二名於七月初八日押護到工掣回工收印照共量見碎石一百六十八方四分三毫

朱茂椿等十三船給發燈旗十三副派屬一名於七月初九日押護到工掣回工收印照共量見碎石一百七十二方三分

徐寶元等十四船給發燈旗十四副派屬二名於七月初十日押護到工掣回工收印照計共量見碎石一百三十九方三分八釐

唐秀發等二十船給發燈旗二十副派屬二名於七月十二日押護到工掣回工收印照共量見碎石二百七方七分五釐六毫

丁裕隆等十二船給發燈旗十二副派屬一名於七

月十四日押護到工掣回工收印照共量見碎石一

百二十六方四分二釐四毫

強四觀等十二船給發燈旗十二副派屬一名於七

月十六日押護到工掣回工收印照共量見碎石一

百五十六方七釐三毫

徐世德等二十船給發燈旗二十副派屬二名於七

月二十一日押護到工掣回工收印照共量見碎石

一百九十七方二分五釐

顧寶林等十九船給發燈旗十九副派屬二名於七

月二十六日押護到工掣回工收印照共量見碎石

一百九十二方一分五釐

盛寶楚等七船給發燈旗七副派屬一名於八月初

二日押護到工掣回工收印照共量見碎石八十七

方一分九釐八毫

陳一寶等二十船給發燈旗二十副派屬二名於八

月初四日押護到工掣回工收印照共量見碎石二

百十七方五分二釐六毫

載金龍等十四船給發燈旗十四副派屬二名於八

月初七日押護到工掣回工收印照共量見碎石四

十八方三釐五毫

馬六觀等八船給發燈旗八副派屬一名於八月十三日押護到工掣回工收印照共量見碎石四十九方二分七釐九毫

陸春喜等十六船給發燈旗十六副派屬二名於八月十四日押護到工掣回工收印照共量見碎石六十九方二分七釐九毫

龐通興等十船給發燈旗十副派屬一名於八月十五日押護到工掣回工收印照共量見碎石一百三十七方九分七釐六毫

梅占魁等十船給發燈旗十副派屬一名於八月二十日押護到工掣回工收印照共量見碎石一百二十九方四分八釐

鍾振初等十船給發燈旗十副派屬一名於八月二十二日押護到工掣回工收印照共量見碎石九十一方一分七釐一毫

徐寶元等七船給發燈旗七副派屬一名於八月二十四日押護到工掣回工收印照共量見碎石六十五方八分五釐三毫

盛之林等十三船給發燈旗十三副派屬一名於九

修葺寶山海堤全案 卷一
三
月初四日押護到工掣回工收印照共量見碎石一百三十三方二分九釐五毫

施文秀等九船給發燈旗九副派屬一名於九月初十日押護到工掣回工收印照共量見碎石一百十三方四分五釐三毫

許三大等五船給發燈旗五副派屬一名於九月十四日押護到工掣回工收印照共量見碎石五十七方三分五釐四毫

陸元照等九船給發燈旗九副派屬一名於九月二十一日押護到工掣回工收印照共量見碎石一百十三方二分二釐五毫

范四喜等八船發給燈旗八副派屬一名於九月二十三日押護到工掣回工收印照共量見碎石一百七方七分四釐八毫

鄭殿邦等十船給發燈旗十副派屬一名於九月二十四日押護到工掣回工收印照共量見碎石一百三方三分五釐三毫

汪鳳玉等九船給發燈旗九副派屬一名於九月二十六日押護到工掣回工收印照共量見碎石八十三方二分一釐三毫

胡士龍等十二船給發燈旗十二副派屬一名於十月初一日押護到工掣回工收印照共量見碎石一百八方五分二釐一毫

尹明天等十三船給發燈旗十三副派屬一名於十月初三日押護到工掣回工收印照共量見碎石一百二十四方二分三釐五毫

錢保元等十四船給發燈旗十四副派屬二名於十月初七日押護到工掣回工收印照共量見碎石一百八十三方八分六釐七毫

王桂華等七船給發燈旗七副派屬一名於十月十八日押護到工掣回工收印照共量見碎石九十方一分四毫

強鳳觀等十六船給發燈旗十六副派屬二名於十月十九日押護到工掣回工收印照共量見碎石一百八十一方七分五釐七毫

朱尙賢等十二船給發燈旗十二副派屬一名於十月二十一日押護到工掣回工收印照共量見碎石一百十九方四分一釐七毫

以上統共五百二十五船裝運碎石抵工量收共計四千八百七十七方四分九釐九毫內續奉

札飭添辦碎石及卑職自行捐辦碎石均已全數運
竣理合登明

道光十七年正月二十五日具申

辦石委員西拉蒙阿稟敬稟者竊卑職奉委辦運寶
山縣海塘石料其碎石在於金焦二山採辦蒙

藩司委新陽縣丞方心簡專駐金山候補理問理劉
廷翰專駐焦山督押宕戶採辦日逐挑裝上船嗣因
劉廷翰委赴吳淞押船渡江則兩山皆併歸方心簡
一人兼理該二員奉委以來或常川駐山或涉歷海
澨均屬不辭勞瘁卑職總理採運往來督辦梭織催
儻籌畫全局而該員等晝夜辛勤及時採竣交工無
悞實屬奮勉出力至碎石方價僅止每方二千文不
敷實多當時宕戶風聞退縮船戶畏累避颺石多價

少工緊限嚴卑職仰承

委任不惜捐資使宕戶得以如限採購齊全又遴遣丁役四路雇船預給定錢貼以坐日復按方加津水腳三百五十文使船戶日食無虧樂於裝運統計水陸捐貼並小船剝上大船以及船給燈旗丁役犒賞飯食等項每方正價二千文外約貼給錢六七百文以先後辦運碎石一萬二千七百方而計統約捐貼錢八千數百千文加以卑職自捐碎石三千四百餘方之正價貼資通盤合算卑職承辦此差除自備年餘薪水盤費之外實已捐貼至一萬六七千串之多

委係竭蹶報効以冀保衛民生俾鉅工一勞永逸除將應銷每方二千文正價開具數目清摺稟呈

藩司覈銷外查焦山督催委員候補理問劉廷翰既委赴吳淞督押渡船其不辭勞瘁實心出力之處應由總局另行稟陳惟縣丞方心簡踴躍趨公亦自備年餘資斧並未請領薪水卽就每日準領薪水而計已不下七百餘元之數該員方心簡現於道光十六年十月俸滿驗看已蒙
保薦具

題係屬應陞人員今石工差使又能實心實力奮勉趨

公似應仰邀優敘可否懇乞

鴻慈於奏獎案內聲請將該員遇有知縣缺出不論繁簡遇缺儘先陞用之處恩出

鈞施卑職深悉方縣丞効力之勤謹不揣冒昧據實

稟懇仰祈

鑒覈

道光十七年正月二十五日稟

署江蘇布政使司積拉明阿爲呈報事案據前署蘇督糧同知西丞稟奉委辦運寶山塘工碎石一萬一千三百方並蒙酌議每方給發價腳大錢二千文嗣因奉辦碎石一萬一千三百方採辦齊全按方運竣後復經工員等稟準添購碎石一千四百方及折耗不敷由卑職自請獨力捐辦碎石三千四百餘方隨即星夜趕採接續僱運依限如數辦齊運送工所文收全完現在工已告竣覈計應銷原奉委辦續奉添購各石方價腳除節次前赴司庫請領過洋銀暨奉各憲捐發錢文統共尙應找領大錢五百零二千文

至此外另奉辦顧涇口洞石價腳均蒙隨時放給清
款各石亦均已掃數清交開具清摺稟候覈找歸款
等情到司當查摺開領過銀洋各數覈與司案相符
所有應找錢文批飭備領送司放給去後茲據該丞
備具印領申請放給前來自應按數放給按照時價
每洋錢一元易錢一千一百三十文該洋錢四百四
十四元二角四分七釐除於二月二十三日放給領
回外相應加戳呈報伏候

鑒覈

道光十七年二月二十七日申

